



DOKUMEN *STANDARD OPERATIONAL PROCEDURE* (SOP) BAGI PERKHIDMATAN PENGUBATAN ISLAM DI UNIVERSITI TEKNOLOGI MARA

1. PENGENALAN DOKUMEN

Tujuan dokumen ini disediakan adalah sebagai panduan rasmi bagi Staf Bahagian Hal Ehwal Islam (BHEI) & Unit Hal Ehwal Islam (UHEI), Universiti Teknologi MARA (UiTM) dalam usaha membantu dan menolong warga UiTM dengan menggunakan kaedah Pengubatan Islam¹. Ia merupakan usaha BHEI/ UHEI untuk mengelak kekeliruan berkenaan pengubatan Islam dalam kalangan warga UiTM.

2. MATLAMAT DOKUMEN SOP

1. Menjaga kebajikan staf BHEI/ UHEI/ *Muallij* yang memberikan khidmat pengubatan Islam secara sukarela.
2. Menghindari salah tanggapan dan mengelakkan fitnah kepada staf BHEI/ UHEI/ *Muallij* ketika proses pengubatan Islam dijalankan.
3. Menjaga imej BHEI/ UHEI/ *Muallij*.

3. DEFINISI PENGUBATAN ISLAM

Satu kaedah pengubatan dengan menggunakan ayat -ayat al-Quran dan al-Sunnah yang tidak menyalahi syarak, tiada unsur-unsur syirik dan khurafat serta tidak menggunakan alat dan bahan yang menjuruskan kepada kesyirikan.²

¹ Garis panduan amalan pengubatan islam dan pebomohan islam, portal rasmi e-fatwa, 24 julai 2012 dan rujuk juga akta pengubatan islam 2013.

² Garis panduan Amalan Pengubatan Islam , September 2011, Bahagian Perubatan Traditional dan Komplementari KKM.

4. DEFINISI ISTILAH

4.1 Kaedah Pengobatan Islam (*Ruqyah*)³

Doa yang berasaskan ayat-ayat al-Quran dan al-Sunnah, yang bertepatan dengan syarak bagi tujuan pengobatan dan kesejahteraan atau kebaikan.

4.2 *Muallij* (Perawat Islam)⁴

Seorang yang mengamalkan *ruqyah* dan terlibat dengan perubatan alternatif atau komplementatif iaitu pelengkap kepada perubatan moden.

4.3 Air *Ruqyah*⁵

Air yang dibacakan ayat-ayat al-Quran dan zikir-zikir tertentu di dalam Islam.

4.4 Gangguan Makhluk Halus⁶

Satu bentuk gangguan terhadap pesakit dari segi perasaan, kesihatan dan tingkahlaku dengan gejala dan tanda yang mana puncanya tidak dapat dikesan oleh Perubatan Alopati.

4.5 Makhluk Halus⁷

Sebahagian daripada makhluk Allah SWT seperti jin dan syaitan yang tidak dapat dilihat dengan mata kasar.

4.6 Histeria⁸

Satu bentuk gangguan makhluk halus yang mengakibatkan gangguan emosi dan kelakuan yang tidak dapat dikawal.

³ Op.cit. Garis panduan amalan pengobatan islam dan pebomohan islam, portal rasmi e-fatwa

⁴

<https://muftiwp.gov.my/ms/artikel/irsyad-hukum/umum/907-irsyad-al-fatwa-siri-ke-189-hukum-berubat-dengan-perawat-islam-dan-meminta-pertolongan-jin>

⁵ <https://maktabahalbakri.com/3945-mandi-dengan-air-ruqyah>

⁶ Op.cit.. Garis panduan amalan pengobatan islam dan pebomohan islam, portal rasmi e-fatwa

⁷ Op.cit. Garis panduan amalan pengobatan islam dan pebomohan islam, portal rasmi e-fatwa

⁸ Op.cit. Garis panduan amalan pengobatan islam dan pebomohan islam, portal rasmi e-fatwa

4.7 Sampuk⁹

Gangguan kesihatan akibat rasukan makhluk halus

4.8 Sihir/ Santau¹⁰

Satu ilmu yang menghasilkan kesan luar biasa yang tidak dapat diterangkan puncanya secara logik.

4.9 Bimbingan Spiritual¹¹

Bimbingan/ perawatan individu (kes yang dirujuk) berkaitan penyakit spiritual, emosi mahupun perilaku moral kearah *tazkiyah al-Nafs* (pembersihan jiwa) bersumberkan amalan dalam Islam berasaskan al-Quran, al-Sunnah, *Thibbun Nabawi* (kaedah perubatan Nabi SAW), amalan para *salaf al-Soleh* (Sahabat Nabi SAW dan *Tabi'in*) dan ilmu pengetahuan yang tidak bercanggah dengan prinsip Syariah.

5.0 KAEDAH RAWATAN¹²

5.1 Skop Pengubatan Islam

5.1.1 Penggunaan bacaan Doa untuk jenis penyakit:

Ayat-ayat rawatan hendaklah berlandaskan al-Quran dan al-Sunnah serta doa-doa dalam bahasa yang difahami maknanya.

5.2 Kaedah rawatan

5.2.1 Kaedah yang dibenarkan:

i. Minum

ii. Sapu

iii. Renjis

iv. Tepuk

v. Kaedah lain yang tidak memudaratkan pesakit serta dilakukan secara berhikmah

5.2.2 Peralatan / bahan yang dibenarkan.

⁹ Op.cit. Garis panduan amalan pengubatan islam dan pebomohan islam, portal rasmi e-fatwa

¹⁰ Op.cit. Garis panduan amalan pengubatan islam dan pebomohan islam, portal rasmi e-fatwa

¹¹ Kertas kerja i-Bimbing, 2024

¹² Op.cit. Garis panduan amalan pengubatan islam dan pebomohan islam, portal rasmi e-fatwa

- i. Air
 - ii. Herba seperti limau, daun-daun (daun bidara, daun nangka) habbatussauda, zaitun
 - iii. Madu
 - iv. Garam Kasar
 - v. Lada hitam
 - vi. Bahan yang suci dan halal menurut syarak
- 5.3 Temubual
- 5.4 Khidmat Bimbingan Nasihat Individu (spiritual) dan Nasihat Agama

6.0 ETIKA PENGUBATAN¹³

6.1 Sebelum Merawat

- Memastikan pesakit dirawat di ruang yang bersesuaian iaitu *muallij* perlu mempunyai premis khas untuk menjalankan rawatan.
- Memohon izin daripada pesakit sebelum menjalankan rawatan.
- Memohon izin daripada waris atau penjaga untuk merawat pesakit sekiranya berlainan jantina atau pesakit tidak mampu dari segi mental atau di bawah umur (kurang daripada 18 tahun).
- Memastikan waris pesakit berada bersama *muallij* dan pesakit sekiranya pesakit dan pengamal berlainan jantina.
- Tidak dibenarkan menentukan dan mengumumkan makhluk halus atau benda ghaib yang mempengaruhi kesihatan pesakit.
- Tidak dibenarkan mendakwa mendapat ilmu daripada mimpi.
- Merekodkan daftar pesakit.
- Memastikan pesakit dan juga pengamal mengenakan pakaian yang menutup aurat.

¹³ Op.cit. Garis panduan amalan pengubatan islam dan pebomohan islam, portal rasmi e-fatwa

6.2 Semasa Merawat

- Memulakan sesi rawatan dengan bacaan doa atau ayat-ayat al-Quran yang jelas, serta mengikut tertib.
- Memastikan jenis penyakit yang hendak dirawat adalah berkaitan spiritual.
- *Muallij* perlu berkomunikasi dengan berkesan semasa sesi rawatan.
- Tidak dibenarkan menggunakan kaedah pengubatan yang dilarang dalam Islam.
- Perlu sentiasa memelihara aurat pesakit semasa sesi rawatan.
- Tidak dibenarkan mengambil atau merakam gambar menggunakan peralatan audio visual semasa sesi rawatan dijalankan kecuali dengan kebenaran pesakit.

6.3 Selepas Merawat

- *Muallij* tidak dibenarkan mengenakan bayaran atau imbuhan untuk perkhidmatan yang diberikan.
- Maklumat pesakit adalah dirahsiakan.
- Pesakit hendaklah berhubung dengan pihak jawatankuasa *Muallij* sekiranya memerlukan rawatan susulan.

7.0 SKOP TUGAS MUALLIJ

- 7.1 Proses rawatan yang dijalankan tidak menjejaskan tugas hakiki.
- 7.2 *Muallij* (staf UiTM) perlu mendapatkan kebenaran Ketua Jabatan terlebih dahulu sebelum melaksanakan proses rawatan.
- 7.3 Semua maklumat pesakit adalah sulit
- 7.4 Maklumat pesakit hendaklah direkod dan disimpan di tempat yang selamat.

8.0 PREMIS RAWATAN

- 8.1 Premis rawatan perlulah dalam keadaan bersih.
- 8.2 Mempunyai pencahayaan dan pengudaraan yang mencukupi.
- 8.3 Rawatan perlu dijalankan di ruang yang selesa, sesuai dan dapat menghindari fitnah.

9.0 DOKUMEN

- 9.1 Rekod pesakit adalah rahsia. *Muallij* tidak boleh mendedahkan rekod pesakit tanpa mendapat kebenaran daripada pesakit terlebih dahulu.
- 9.2 Borang kebenaran melaksanakan pengubatan kerohanian dan spiritual perlu diisi sebelum memulakan rawatan.

RUJUKAN

1. al-Quran dan al-Sunnah.
2. Budaya Kerja Perdana.
3. Garis Panduan Amalan Pengubatan Islam Dan Pebomohan Islam, Portal Rasmi e-Fatwa, 24 Julai 2012 Dan Rujuk Juga Akta Pengubatan Islam 2013.
4. Garis panduan Amalan Pengubatan Islam, September 2011, Bahagian Perubatan Tradisional dan Komplementari KKM.
5. Irsyad Hukum Siri Ke-189 : Hukum Berubat Dengan Perawat Islam Dan Meminta Pertolongan Jin.
6. Maktabah Al Bakri #3945: Mandi dengan Air Ruqyah.

